

十二月甲戌赤氣自西指東十一年正月戊  
子赤氣竟天七月戊寅開城井赤沸十四年  
五月甲申大同江水赤 恭讓王二年二月  
戊午西方赤氣六月甲戌碧瀾渡潮水赤二  
日巳卯禮成江水赤沸三日三年正月庚寅  
赤祲見于東方  
肅宗十年二月庚子朔夜有光發于乾巽方  
如月始出 明宗八年十月辛卯夜半密雲  
昏黑西北方隱隱光明燭地有人影竟夜滅